



遠巖先生文集卷之三

七言古詩

春陰長句次李司封古冲韻



冬令春行節序殊衝泥立馬歎窮途勞思江國傷
蕙杜旅食京華改柞榆碧動沙光歸雪蓀青殘雨
色入平蕪閨人弱線修春服禁草徐風搖夕鋪暖
閣遷鶯稀逢友定巢新燕故將雛西風爽氣來天
地北闕浮雲定有無世事自憐隨省騎吏情真擬
問漁徒燕城物候催遊子伏枕閉門肺病蘇

功德寺

我昔已聞功德寺山遊日暮行始至舊栽松栢森
成行庭空寥矣鶴孤唳魏碑古趺苔半封上有金
鐫護勅字巖巒長圍龍虎宮棟宇猶帶金銀氣老
僧告我昔年事令我感歎長歛歔宣宗昔日盛行
遊四海晏然邊塵收鑿嵌構宇俯喬嶽穿池引水
開滄流慈雲覆頂翔赤鳳靈山繞勢蟠青虬萬乘
時來過雷電郊原旖旎閃黃旂御前一侍玉女
鳴璫曳珮凌清秋危閣蹙沓象緯逼長廊

星留綺繡叅錯開荷芰華芝翠葆翼龍舟汾水具
茨存至理國有元氣翊皇猷鼎湖龍去已茫然此
地卽看餘百年輦路淒迷芊草合御堤曲圯沃波
濺誦經釋子四五侶法鼓振響揚芳烟梧月落梁
淨梵色松風撼戶韻清絃吁嗟陵谷須臾改何況
世事多變遷君不見素旗颭颭下靈車神來應與
群帝俱玉殿金燈夜有無

送陸毅齋守撫州

薊門二月芳草深君侯兩服驟駸駸英寮飲餞開

蓀宴如澠之酒攢華簪柔楊青青不受折欲別不
別愁人心長風漫度青驪歌林端黃鳥聲相和憶
昨與子諧嫵婉瓊樓朱宿森駢羅翠帳晴吟紫芝
苑芳郊曉並玉花珂天地百年交不足弟兄四海
懽如何 聖朝禮樂奧寓縣尚書曹中皆妙選楚
璧朝揚畫省輝岐鳩暮翥文閭絢專對清綰赤銀
章獨誦策登黃金殿九夷七戎同文軌四門萬里
秩賓獻茂辰相見眼盡青展采振藻何英靈握中
一尺玄璆璞腰間雜佩蒼龍精角巾往往探奇字

曲几時時問譯經揮翰彈碁樂未極縱酒憂天常
不醒金谿之城半山谷君也分符下南國雲間初
賜五馬車風裏遙飛雙霞舄修途不碍驩驅丹
心終見豚魚格吹枯噓朽回昭融芟鋤要使雷霆
擊人生聚散何能常一旦繾綣成叅商賢豪得路
各努力同心豈必俱同行醉餘拂拭操珠徽回飈
倏忽高雲翔桂槳夜發遲冰泮蘭珮春生去路香
君不見匡廬峯洞庭水巨靈巖嶼東南峙法波顛
蕩絕塵滓潢汚崕嶼徒爲爾丈夫意氣亦若此

送張以學尹諸暨

張郎衝星辭燕闕素紕朱芾過我別頭上裁冠高
切雲腰間長劍光照雪自言將下扶餘邦鑑湖天
迴雲霧光王喬鳧舄青霞去宓子珠絃白日揚感
君別促傷會希羽觴桂酒傳若飛鳴鳥在林求其
友征馬出門不斷嘶丈夫抱璞不自衒燕石竟迷
鄭客盼朱瑟工操不受竽明珠暗投反按劍世路
衣狗蒼黃分天風搏翮浩蕩變竹林不遲彩鷁馴
枳棘難淹文鷁絢君去飄颻碧海春予住栖栖錦

里塵扁舟爲過剡溪曲定憶當時鼓柁人

題王給事南庄乃翁詩卷

南極徵君長濩落獨傍雲峯結茅屋白日滄浪唯
嘯歌青天翠壁聊躑躅一從雲掩少微星綺幌蕭
蕭虛素楹秋風出戶狷孤咽落月在梁鶴自驚惟
有南庄倚桐樹香葉年年雛鷁翥

贈丘集齋侍御督南畿學

繡衣使者復欲東朱軒露冕駮青驄絲鞵游環玉
宛轉文韉刻鞞金玲瓏刷足朝辭燕甸雪嬌嘶曉

度潞河風潞河春風萬楊樹塲藿離離不住桐
柱調促聲正悲桂醕杯乾日空暮西臺纓舄切雲
日珪鳧環村君第一觸邪鳧稱獬豸冠持橐雄簪
螭頭筆素擬勛業青冥上九關虎豹畫相向夷龍
許已真自知堯舜匡君誰能讓萬言未獻賈山疏
七貴爭避桓典路對酒長懷杞國憂扣闥每值丞
卿怒憐予滯滛獨繫官與君歡靚常問玄鐙月秋
看琴觴接雨雪不嗟徒馬煩投分結契爲弟兄開
襟促膝頻相仍長風吹蓬無定踪彩鷁縹緲之金

陵金陵自古稱佳麗霧矗雷濤蟠王氣 高皇提
劍造天功奠域肇封彌萬禩玉京龍虎互盤結貝
闕星辰森虧蔽浩蕩人文中宇殊赫絕聲名南州
會王阮風流金尚存陸謝詞華異代繼紫薇飄飄
下丹勅鸞翔鳳翥無儔匹錦繡山河揚憶行烟花
甸服懸鑒入奎宿當宵垂象輝劍光貫斗連牛拂
披華啓秀徒爲爾百朋濟濟詠
菁莪千溪粲粲繁桃李弔古高唵六苑春朦遊清
飲三江水臨岐贈別何所歎贈子雜珮雙琅玕揚

波激瀾窮溟滓挽頽障倒迴真源莫教琳球羨希
絕要與鍾鼎齊嶺岈

郊遊道中風寒甚

風寒瑟瑟吹我襟馬尾直豎蹄難任前瞻功德詩名
物色杳還顧靈藏寺名鐘聲深萬山松桂淒淒落更
有飢鴉啼檄檄僕夫威遲號無衣客子蕭騷戀行
樂

雙榮壽歌爲龔內翰賦

南極之星應壽貞拱辰映斗精熒熒老人竭來瑞

瑤京駭虬翳鳳閩風行琪林瑤海娛長生紫誥煌
煌迴鸞光玉堂仙子雲錦裳合歡獻壽樂哉康

登山險絕已非人境遂賦遊仙招隱之歌

遊仙歌

今我忽兮不樂駕言遊兮名山陟巖岫兮崆峒躡
絕頂兮嶺岈烟霏霏兮雲在下信斯美兮非人寰
山中之人兮冰雪顏沆瀣飲兮瓊膏飡神炯炯兮
霍耀膚綽約兮流素丹糝瑤藥兮翳文芝餌五朮
兮珮華菅駟玉虬兮馭鷲鳳凰翼蓋兮翔文鸞

宓妃嬋媛兮后乘豐隆屏翳兮鬱以承鑿紛飄颻
兮下御倏往來兮山之間闔天闔兮延予啓玉粲
兮嫣然導予兮元秘授予兮靈詮揖洪厓兮爲侶
快執袂兮偃佺謁浩蕩兮高舉極玄圃兮閭顛超
溟滓兮若視遺龍夔兮空筌

招隱歌

有一美人兮山之幽構雲阿兮建霞旂結蘭篁兮
桂橈集荃紉兮擷荷裘壑岸峇兮嵒嶂路透邈兮
阻修迴素湍兮百折激清籟兮靈湫紛異卉兮冬

榮枯木鬱兮枝相樛流雲屯兮飛蓋漱瀏泉兮琳
璆飄風赴兮層曲薜荔曳兮堂之坳鳥在戶兮嚶
嚶鹿鳴除兮呦呦嗥虎豹兮晝夜群鹿豕兮遨遊
捐余珮兮河干縹余馬兮椒丘懷少室兮真隱慕
谷口兮靈修噲簪笏兮微纒託泉石兮好仇永從
之兮不返與達士兮爲儔

秋夜篇 四章

繁宿依天夜未央
皦月垂影鑿我床
厲風舉帷露沾裳
愴不寐循東廂
哀鴈流影之何方
攬衣屏

立以徬徨

明鏡熒熒爛夕堂朱絃泠泠揮素商美人對之心
不忘不覺北斗低西方繁銷芬歇誰能常努力懋
德競流光

鱗貼在戶啼未安庭鶴警露當夕寒草木變衰凋
玉顏晚有蕙兮皋有蘭霜黃沙白日摧殘含媵抱
郁只自歎

盈盈織女擢雙蛾駟虬襄蜺揚娥姮牽牛耿耿阻
明河河深欲濟水增波望而弗覲時匪多追歎戚

別啼若沲

壯遊篇贈莊君采捧郊詔入蜀

南風其徐大火流飛鴻鳴鳥聲相求勸君置節且
莫歎聽我撫觴歌壯遊六轡如絲子所持壯遊萬
里自茲始聖皇穆穆開虞聰昭代濟濟崇周禮天
明地察隆祀典睦族展親敦令豈玉牒千年奉至
尊金章八道馳行使黃封朝下明光宮輶軒夕度
瀘溝水益州鳥道接秦川隴坂綠雲高天辨方
藩肇蚕鼓域經野星分井鬼躔駟馬橋連清渭曲

太白標絕峨眉顛
洶淙巖石互盪瀾
懸梯斷棧相鈎連
丞相廟深老栢裂
子雲亭古蒼苔芊
此去先登泰華峯
巨靈顛顛與天通
滄波夜瀉魚龍靜
薜荔秋封鳥鼠空
百年關頭長濤浪
九折盤西多雨風
始信猿聲墮客淚
遙憐巴唱引行艫
皇皇帝命遐荒歡
朱門香裊輕烟寒
捧詔日高紫氣繞
上殿風引鳴珂珊
蜀王秉禮拜手讀
谿谿老喧呼扶杖看
過秦論擬觀風著
劔閣銘應覽勝刊
廻舟好過灩澦堆
巫峽秋濤日夜來
瀟湘竹密湖光動
濯錦帆

張江色開作賦還
投汨羅畔題詩許
上望鄉臺蒼梧氣
遠不可叫白帝城
孤空自哀君不見
成都當時羨相如
諭蜀文高輝駟車子
長歷覽浮湘水歸
來乃有石室居
故知壯士之志在
四方睢睢盱盱戶
庭不出非丈夫
方塘子自矜意氣
彌宇宙天路雲遠
不足登要使聲華
滿人口祇今天子
勤延竚持歸報答
何所有去住萍蹤
豈足知我歌壯遊
君莫疑

河西歌送崔副使屯田甘肅

漢家四葉當用武南威百粵北平虜候月九天出
旆旌揚塵萬里鳴鞞鼓斥境先闢新秦中畧地還
臨舊幕下王幕以南胡不來邊臣主議開河西兼
符使者乘輅出兩道將軍插羽齊築堠列亭過谷
蠡建旄授節戍渠犁渾耶納款壯邊衛大宛啣恩
輸國質天馬效鳴上苑駮眩人貢伎中軍戲烏孫
乞爲塞外藩單于長矢右方臂河南五郡富且雄
控扼婁羌攘犬戎生兒十歲能騎馬選士千屯皆
引弓遠卻匈奴深避帳覽威諸域畢承風葡萄移
種入蘭殿苜蓿連陰接桂宮博望鑿空要上賞二
師善戰啓侯封武帝居然弘茂畧秦皇不得誇奇
功原野蕭條年代改昔時亭障依然在崙頭田官
沒草萊密須征旅愁關壘驕胡遊獵蔽陰山誘罕
邀遮蝓磧海丈夫報主兼立名慷慨辭君塞上行
屬國應瞻都護節居延再起受降城歸來拜手見
天子成功元是一書生

古從軍行送陳中丞出塞

漢家關塞盡黃雲置壘張亭迥不分乘月長遮奪

套虜防秋未解戍邊軍征戌年年長城下旗旄紛
紛大朔野胡騎朝騰萬里昏燧烟夕起群峯赭玄
漠警急傳消息單于屯在居胥北颯沓風翻瀚海
波陰沉雪晦天山色檄書插羽疾流星將軍膏劍
事戎行芒動九旂新拜將符飛五道遍徵兵宣威
校獵長揚館勞率親臨細柳營六郡良家善騎射
三河俠少本忘生鳴笳遙向金微道蹀馬誓貪鏃
勒庭遊擊更番驃騎伍奇邀偏領輕車部武陽壯
歲慣殺人去病辭家專報主七尺湛盧勒宿揮千

重渠答雜沙注左賢諸落發烏孫前軍轉戰越樓
蘭蛇蟠結陣殺氛黑虎哮合圍日暈寒一生酬遇
便輕敵百死樹勲不避難隴水分愁晝夜咽鄉心
盡望關山月煮糜時斧黑河冰臥毳尚濺朱輪血
狼塞蕭條蘆管悲鸞閨迢遞帛書絕軍中苦樂只
自知戎衣第問所從誰天子憂勤思振旅丈人行
險用貞師旄頭蝕應亡胡日燕頷封當破虜時但
決幃中千里勝不妨代北六月歸

潞河客舍別蔡刑部道卿

問子留京者胡亦戒遄征告言將辭汝恨恨難爲
情亦知終遠別且復稍同行行並馬遵長路兩
兩開襟敘衷素日上將中不自知隴危却下無傷
顧祇疑郊苑共遨遊歷遠探幽始一休神爽翻思
是送別垂鞭不語但含愁愁來心亂不能守見說
能消惟有酒脫衣斲就黃公壚卸却金鞍繫高柳
紛紜吐論各輸心偏袒狂呼齊拍手海上三山不
足求人間萬事寧復有逸興空多苦量微玉壺小
酌持半卮強飲難成千日醉離歌又動兩岐悲風
塵詎料幾時合只得相寬言暫別舉袖未分淚已
零登車欲去神俱越人生聚散比浮萍萍葉猶看
結蒂游豈謂平生吾與子盡逢風漂與波流大道
傍邊楊柳垂何人送客不攀枝愁絲慘葉堪沾袂
去後依然風任吹願子貞心勿如此芳盟常保歲
寒期

鳴鴈篇

寄陳約之太史兼呈唐應德陳允和二
兄約之賦予南窠爲上林鴈之詩予感

其意適見斯鳥遂成短章因以爲報云
耳

寒空歷歷夜星稀旅鴈酸嘶何處歸霜清露白聞
聲急河廣江上恨力微本謂候時依煖去何言中
路失群飛群飛起忽關山迥祇抱離心獨耿耿每
向天邊泣字文却從月下疑弓影孤鳴如和隴頭
唵單棲不殊澤畔醒遷客飄搖靡定居庶庶雨雪
賦其虛此時遙聽人何似避地翻傷鳥不如回首
瑤池霄漢俯頡頏玉羽泛清涼南北欲知悲喜地
但看風失與雲翔

聽琴篇

客有善鼓琴者爲予操屈原之曲感不
自勝因以成詠

昔傳子春技彈絲聖入耳一曲作人情七絃發妙
理美人携琴升我床閑心敏手亦如此弄奇赴會
若有神朱繩玉軫臨風倚始作懷沙縱九歌却調
哀郢傷千里卑張應節發清商促越更趨引流徵
楚水看流壑指間江風忽奏揮絃裏棲鳥知聲中

夜翔潛魚激響凌波起四郊墮葉紛紛下浮雲辭
天月在野瑤徽半拂復中操宮聲少間羽聲馮山
鬼依微薜荔裳宓妃窈窕螭蜺駕舊聞騷些已潛
潛對此離憂遂不堪本聽幽音容易感復兼放迹
自曾諳矯志千秋同夏沔愁心一夕到湘潭恨恨
懷荃零淚雨沾襟不爲雍門談

河上遇風

齊郊烈烈大風起走石揚塵一萬里始見蓬蓬生
北海忽籟三江振東岱乍似軍裝赴敵塲旋疑天
馬奮龍驤鳴籟颼颼四野聞愁雲掩翳一朝昏能
吹朔雪凍寒空更逐飛沙卷斷蓬飛廉鼓怒陽候
出萬舶千艘靜不發餘皇玉軸彩蜺翻橫海瑀旂
翠蛟掣中流激勢水增波岸上但呼無渡河桂柁
蘭槳徒悵望河深難濟欲如何

將至東昌寄寇太守未菴兼柬東包蒙泉節

推

旅客羈傷憑寓目東濟榮河漸衍沃禮樂猶存魯
國風魚豢本負齊酈俗專城太守舊懷思佐理包

何新相知遙憐比壁光輝地正是雙刀宰割時故人相別經五春臨當再見反傷神預恐風波易睽
關况陳委曲重酸辛以茲盈盈數里間將前還却轉愁人寄語風流賢五馬行春暫輟一娛賓

清源別張近溪侍御賦贈

君才磊落稱時英山東七郡蚤知名才雄本自宜高薦况是明時矜豪彥胡爲一葉便沉淪有似驂
騶棲畝畔憶昨乘驄遊苑洛驕嘶被顧待丹轂途間遙認五花毛臺裏合推千里足仰揖群公盡整

纓平交七貴爭酬玉可憐光寵不相待世事悠悠須臾改今日面情昔不同昔時歡結今何在浮沉
薄俗難重陳骯髒壯懷勿用悔鬢上漸生白雪霜手中且有黃金壘但聽悲傷歌北邙便輕偏側蹈
東海

贈張東沙臨清兵備

憶昔相逢傷草草如今再見忻懷抱坐來祗是玉山凝立談便託金蘭好君年方壯已高位鬢髮如
雲施綠黛朝日輝光照綬衣外臺意氣從軒蓋諸

連崖文集 卷之三
侯列郡望風裁將校分營備皂臺高牙獵獵朱旗
建潭府森森畫戟開治兵能訓常多暇出衆英才
稱大雅雖然授節統軍容却擅落毫增紙價七言
破的罷彎弧五采文成纔調馬對座芳香振蕙襟
垂帷紛郁極書林共言爲政兼儒術復有尋仙出
世心莫用酬君慚楚璧幸須惠我比南金

沛公歌

沛公尺劍應金符指顧便成大丈夫誅項滅秦若
風雨定都列壤成規模橫行海內已威加反過枌
榆駐翠華戎服七年歸故里瑤圖六合化爲家連
營繚繞雜帷宮喧引傳觀井閑空爭看今日炎精
帝乃是當時隆準公始識好施非落鬼誰言亡命
有成功小往大來矜得志感今懷昔張高會拆牲
醜酒象川丘考鼓撞鐘震天地泗亭舊長親掃除
邑社健兒俯伏拜白衣且盡故人懽黃屋亦知天
子貴非徒寬法滌秦餘更普殊恩洽里閭錫爵分
榮千級羨優施賜復百年除地轉天旋回警蹕沛
上父老皆如失已戴鴻私振萬春難留龍馭更一

建康文集 卷之三
日壯心慷慨悲還喜大風飛揚帝歌起千人齊唱
萬人和蜚聲翻入彩雲裏旭日初初照四方本從
暘谷發輝光六龍整駕中天去此地猶能戀太陽

過彭城作

陀靡郊原極望平踟躕立馬客心驚踈墩蕪沒項
王國煙草棲迷亞父城春去秋來經幾度霸業雄
圖不可覩臺在已無戲馬人濰流猶記敗軍處高
陵深谷在翻覆世事回還難定測昔日東歸着錦
衣今人但見繁蒿棘蕭壘陰陰苦霧封桓山烈烈
動悲風英雄百戰終歸盡轉覺身名祇夢中

藏書萬卷樓歌爲維揚葛子東賦

廣陵葛子真磊落大笑時人寶珠玉先世遺金盡
買書篝篝祇與韋編博善藏選地起高樓樓上陳
施盈萬軸錯置方隅皆滿床甲乙爲題櫝趙
卿如見應驚歎楚史多知猶未讀開牖晴朝雲色
鮮垂帷深夜藜光燭已看收拾遍人間更說討論
窮士族漢室古文壞壁餘晉代穿塋出竹書學士
睢盱嗟未覩儒生誦守愧空虛何言散失千年後

獨在君家完古初

南京正月十五夜歌

貞寅當夏建獻歲屬秦正物候知陽長風光見太
平太平歌舞早春天正是月華三五圓初晴宿雨
山川麗乍拂和風草木鮮元夕燈火耀焜煌山川
草木借輝光抽英錯采皆新製競巧矜妍各擅場
萬戶千門綴列星三條七市爛縱橫燿熠九微金
作椀瞬瞞五色錦爲棚却見明河流下地真教皎
月讓華燈燃春火樹紛無數臨水樓臺映幾層連

驟方軫動如雷已擽暮出曙翻迴盡着綺羅邀月
住競將絲管喚花開並携穠李輕車去暗度芳蘭
接袂來蹴踏泥途成繡埒喧闐石路漲紅埃宛轉
西橋復南陌冶意艷情歡不足少年場上鬪豪奢
公子群中爭結束博戲千回土比錢妖淫百態人
如玉彩雲飛過迥看姝香霧微傳遙辨曲別有高
門與深院帶障橫施簾半捲晉室風流王謝家漢
廷驕貴金張館靚妹鳴瑟洞房清上客跋珠茵坐
滿偏持絳蠟代新標覆引長江添酒棗舊京繁盛

一翻新年年行樂帝城春合聲願借更籌緩游宴
只愁清夜晨沉沉清夜樂耿耿桂輪西墮日東含
北斗城中洛陽道遊人思殺是江南

春晴出遊永寧寺同顧東橋陳石亭羅印
岡三公作

金陵自昔多才雄聲名今日數三公前賢千載見
標格雅道一旦振頽風往往結遊方駕出盡言都
邑爲之空才宜大用身未衰謝榮茂世如脫遺懼
趣不令兒輩覺幽盟每共高僧期二毛從他玄鬢

改兩屐長使青山隨翻嗤往古無達者苦欲留名
身後知何況金錢與簪組纏牽糞穢夫何爲將棊
賭墅不清曠携妓登山非放浪祇好玄言與新詩
形骸各殊同所尚春半江城猶滯陰出門不樂愁
人心青天斂霞雲散雨特與大士抒煩襟亭臯開
霽迎飛蓋林麓獻春非一態長江靜浪助澄心列
岫爭趨不敢背草木向人如有情輝光眼見當筵
倍舉手揮雲便退飛送目不着微陰碍長歌招鶴
鶴下來把酒酌花花爲開松濤鳴籟當鼓瑟嬌鶯

度曲勸行杯壯懷俯仰悲今昔此地曾經玉作臺
風流同調不同日嘗聞謝尚邀彥伯豈有大人畏
少年却延狂生爲上客竹林蕪沒東山荒留與後
人尋今蹟

靈雪篇上湛甘泉費鍾石二公時久無雪
禮部祈雪雪降

江靜復川明榮光滿帝京是日年祥發皚皚飛素
雪繽紛素雪應祈興慘淡玄陰萬里凝瑟瑟初看
先集霰峨峨旋見已成冰輕飛急灑亂霏霏楚水

吳山尤自宜大路樓臺爭改色層城宮闕轉生姿
翻時似浣紅塵陌舞處偏迷白玉墀凌空遙曳雜
風飄委谷填丘積不消昔望兼時將度歲今看今
夜并連朝爲慶經冬方入地誰言上世不封條觀
瑞懽歌何所致春卿秉禮崇禋祀同雲聚景禱前
生赤日韜光齋後避共言六律失司天賴有秩宗
能感帝秩宗美德合純精並操聯輝雪比清姑聖
相逢曾問道海神出見盡知名如鹽持調商家鼎
願糝梅實作和羹

送文壽承還姑蘇

聞子扁舟將遠適令我幽居心不懌豈無白下諸
貴遊不及吳門一佳客斗酒相逢何草草不語但
稱歸去好挾策恥爲三上書拂衣欲就五湖老江
湖春漲桃花水一路烟波通故里到處難辭解榻
迎及家好是秋風起

送儀部二寅長充選送貴嬪使

春風澹蕩江如綺樓船一道通易水近川花柳盡
容華爲過佳人若桃李節旄前路光輝擁受詔採
擇復充送合相當知偃月形問祥應有懷日夢君
王正在栢梁臺歡進千年紫玉杯太史占天先入
奏二星遙扈四星來

松江莫生遠來見訪比歸賦贈

文采翩翩正少年機雲以後又生賢已見馳聲嵩
洛下却來又眺楚江邊扁舟泊近西淮柳客舍時
沽南市酒路菓紛投駿馬前山衣寄換新鶯後風
流絕世美何如一片瑤枝出樹初畫舫夜吟令客
駐練裙晝臥有人書敝刺蒙茸懷袖裏入門相訪

眉間喜非才遠謝漢中郎率爾爲君行倒屣

告中送顧儀部伯從僉憲齊東因東臬臺

二三故人

江雲橫雨暗春天萬戶朝開凝碧烟行子出門何
意氣輝光馬上揖金鞭白門楊柳風吹發荏苒柔
條不受折雨餘帶濕如沾淚總爲遊人傷離別春
愁何處最關情多病思鄉失友生草色芊眠迷大
路川原迢迢阻嚴程遙知稷下非談辯不記墻東
隱姓名

送吳文選純叔歸養乃父閣老白樓公

相門才子勝前韋一日思親千里歸不隨禁闥鷓
鴻侶翻逐吳門烏鳥飛傾都冠蓋悵追扳陌上征
人盡羨還遠岫停雲看正白飄花點袖喜成斑芝
蘭會悅桑榆景高堂晝日偏能永魚美來從舊乞
湖尊香侍進經調鼎行樂江山橋梓春翛然老少
離風塵紛紛世上多父子得似君家有幾人

春日同李司業愚谷劉刑部範東宴陳太
僕石亭馬通政西玄于顧中丞東橋之

瞻辰堂兼送蔣南冷太僕渡江

三月江城桃李華
陰陰楊柳綠藏鴉
懷春正少淹留處
卜夜無過大隱家
大隱城中不上關
忘形取醉禁言還
簪合應占星是德
顏顏好似玉爲山
一堂賓主盡風流
奉壽千金白壁酬
蘭室香兼清論發
花枝色上勸杯浮
繁絃急柱催深酌
雅調離聲相間作
他日席上無車公
縱有琴尊知不樂

送謝應午侍御還朝

秦淮水上石頭城
楊柳枝繁暗轉鶯
正寵輝光休故里
無那夙夜念王程
出門抗手凜生風
錦綺江山離恨中
衣上落花來點繡
波間飛鷁爲驚驄
今時侍從似君稀
衆望應言赴闕遲
中臺盡待將輪奐
左个深嘉橐筆隨
明世行藏各自安
非才欲進也知難
歸耕已製芙蓉服
獨立遙看獬豸冠

題謝御史所藏水仙花障子是徐子仁所

寫

二月春猶寒
名花不得看
何意冰玉姿
生君屏障間
徐生善藝爲
時絕圖黃點
白意中設幾
人入室

誤聞香滿座尋芳將向折可憐花貌類仙人更詫
妙工能寫真綠葉無風長不動幽英含氣四時新
覆朶雲來行雨前結根石是浣沙年丹青粉黛俱
難別但道相逢洛水邊

李司業見遺廬山諸作述懷奉東

嘗慕當年李謫仙謫仙新詩解倒懸獨在人群無
所好塵埃回首傷懷抱憂來祇恐白髮生有時夢
入南康道羨君盤游窮妙真覽君詞句何清新莫
言今古不相接今見前賢讓後人

送嚴介溪冢宰考績入覲

建章朝謁曉蹒蹒天子垂衣正萬方勅引鴻臚宣
特進留省尚書來展覲重瞳日月屢回看兩班文
武盡榮觀奏記不須書手版承恩再贊拜朝冠三
年居守有功勲宴勞親聞便殿言絃纒聽階知舊
履尚方出膳副新尊明良會合似今稀天上委蛇
幾日歸北闕正宜操斗柄東人空自望裳衣

澠池歌

七雄割據相併吞一爲橫散一從親從主鷄連交

戴趙衡言虎視獨推秦遊士東馳劍屬環行人西
使車方執約爲好會兩國歡道里中分期澠水折
俎如山酒滿池談笑尊前釁孽起霸氣猶尋奮壁
仇爭心更抱鼓琴恥相如按劍奮中酒指叱雄秦
如畜狗秦固關中百二雄趙亦山東六龍首金城
甲卒不足憑頸血濺衣翻覆手捧盤請擊爲西聲
片語生風才脫口秦王遜謝稱寡人擊缶逡巡惟
恐後滿壇將相驚相顧失色喪精皆反走歸來數
歲閉函關強趙有人未可取

李伯材出示所藏沈石田畫鷄戲題奉贈
恠底丹青含象變幻出翰音棲匹練距設微黃如
介金毛施五采雲錦爛令人白日誤蒼蠅不見明
星將舞劍此物雖微德非一紛紛家畜安能匹閑
心不狎鶩鶩喧潔性寧謀虫蟻食主人懷德何所
似風雨瀟瀟鳴不已得唱曾充上國賓含香獨擅
中朝美邇來抱朴學雌伏虛驕氣盡形如木豪華
已厭俠塲鬪凶吉羞憑蠻風卜茆堂壁立獨懸之
形神相得長昏夙

江州陳兵憲公招飲演武臺軍中奏樂作
橫吹曲舉坐聞之莫不心壯予本懦夫
激而爲詩

諸水流天險茲邦據上游清時偃兵甲下秩叨燕
遊臺榭敞高原遙臨芳物繁殘花飛廣陌垂柳靜
轅門轅門春色四山通置酒憑春賞未窮衆樂雜
陳極窈窕忽驚橫吹滿軍中浮雲遽離高空去草
木飄飄江起風急語蕭條聞出塞大聲振動作平
戎一堂壯士皆怒目書生撫席亦填胸曲半拂衣
投筯起雄心橫發不能終

遵巖先生文集卷之四

七言古詩

題畫 四首

平溪如席淡不流返照入水水光浮清暉細動蘼
蕪岸香氣遙聞杜若洲木葉脫微丹崖爽漁唱時
來草閣幽虛無剡曲芳蘭夕彷彿湘潭斑竹秋書
卷軒窗臨欲暮爲愛清涼忘歸去

繡壁峻嶒森怪立虬松夭矯相攬執修髯怒甲爭
奮躍洒浙疑乘風雨入蔦蘿蒙密晝長陰雲氣淋

瀉晴亦濕復礪兼藏嵌竇深空林恍聽翻濤急在
谷幽人不可招白日此中容易原

深林幾百轉碧樹層層開繁陰掩映處往往聲喧
逐掛泉拖匹練忽縮復陡見樛枝碍白雨噴擊如
飛霰蒼苔徑滑陰厓悄烟際淒迷行人小踈簾曲
几半埋雲坐覺冥心淒物表

和風稍吹衣杖策散緩步藏舸識迴汀懸橋知遠
渡柳外風映霞隄邊草侵路陂塘隨地廣野色遇
成趣越水千名說鑑湖凌波虎阜勝吳都依稀似

向圖中見不是江南此景無

題便面小景

手中素幅不盈咫風水淒迷千萬里遙出層岑毫
末間稍紛斷岸微茫裏雲在青天長不卷烟光乍
起看還遠照影匡廬疊嶂開蒼蒼彭蠡兼葭晚曾
因爲吏客江舟日日長江門外流開圖彷彿如在
眼使我遐意凌滄洲

送徐山人還貴溪兼柬東江午坡先生

徐生之來江公所遣也午坡盛稱徐生

之術而予不能知獨愛徐生之爲人因
與之遊比歸爲賦午坡頗溺堪輿之學
故末以爲諷

幽憂抱疾衡門裏陋巷單棲枯稿士絕無好事致
朋來何處飄飄遠遊子面上驚看烟水容口中愛
說山川理跪進玉盤雙鯉魚中有一尺故人書故
人久擅青囊業却謂徐生我不如每接言談聞要
妙欲傳心法恨空虛浩蕩流波山崩芳徜徉携手
日探陟飢來舉火石頭餐倦後橫肱林下息水若

新抄怨狀窮山精逃遁知情得極目鄉關去路賒
登高遙指亂峯遮已是閑雲長出岫忽見春風翻
念家馬足行隨閩地草鷄鳴夢到楚天花傳心無
侶但空還用盡腰間沽酒錢歸見故人論作客首
應問我索居篇爲言平子善風術何似楊雄獨草
玄

送俞虛江守備汀漳

黑面趨拳少有髭平生自許一男兒腰間寶鞘龍
泉動匣裏奇韜鬼谷窺直向太師談節制誓將微

命奮偏裨論兵慷慨推黃石獻計昂藏伏赤墀九
重覽奏頗嗟異七貴傳聞爭致遺共怪南人諳戰
陣復驚勇士識書詩授綬金殿承恩出躍馬沙場
效死馳曾把陰謀于將畧更抽橐鞬解重圍好親
險阨行胡界每望煙烽逐虜騎未快雄心滅北狄
還膺大旆鎮東夷營開百粵雲橫帳戍壓千山鳥
度啤堠嶺天寒游徼肅軍城月靜鼓笳悲講戎當
使同蛇擊群盜真看似獸獮劈畫岡巒成壁壘指
揮草木變旌旗英威未說封侯志感激須酬國士

知

題月中丹桂圖

生綃半幅吳霜冷拂盡微塵秋水淨展向高堂驟
駭神忽覩青天墮飛鏡矚霍瑤光初出奩四壁澄
熒搖不定輾輪乍見海中行濯鳧真看地底迸金
波千頃浸玻瓈銀漢一泓垂素綆結質團圞永不
虧佳期三五四時正中有輪囷一樹木布葉歲蕤
柯詰曲扶踈礙景小霏微旖旎漏明頻照燭根圻
只容顧兔藏枝繁獨覆姮娥宿飄英落葉細生姿

一一黃金散爲粟蕭森影裏似聞香的爍光中遙
辨綠畫棟雕楹結綺簷坐來渾是在虛涵白日都
迷羲伯馭闌宵底用燭龍嚼清輝鑒人毛髮豎仙
芬染斷體膚凡廣寒不覺身曾到瞻宮虛疑手可
探世間墨妙有如此題句聊爲未見談

伯母顏孺人七十壽

歲在戊申月逢七由朔至十加二日吾家華堂敞
高筵平旦訢訢孫子集杯盤紛錯具旨珍人各有
持供其職羅跪再拜次第陳奉充孺人腹中實一
觴一箸和氣蒸歡溢堂除難具悉從子慎中前致
詞今年孺人年七十齒堅腹健頭髮蒼炯炯兩眸
如點漆懿慈本自協天休以德召祥理可必嘉慶
請從今歲始遐齡長駐蒼山色歲歲來陳此日觴
孺人不老從子耆

訪吳泉濱先生山居失路

曾識高人棲隱處碧林斜帶芳村路本期屢訪恣
遊盤不謂今來重迷誤野橋橫坵亂行潦踈林鳴
蟬秋欲老始躡鶴蹤半沒泥却尋樵徑時埋草非

關涉歷記途差自是幽貞隔世涯
賴有山前新漲水微紅流出礪中花

翁贊畫思誠從元戎張淨峯公西征武陵

蠻

壯夫怒眦仰天號咆哮驚走兒女曹隆腫自矜
頷下肉昂藏屢盼手中刀居常樂禍占星氣出門正
值太白高馬首裝成酬恩顧戚戚關山遙卽路鳶
影站波江沸湯銅標表界天撐柱慷慨身過頭痛
溪入險欲覓功成處凱旋揚旆向城闕長安道上
笳聲發人生得意此最歡取印封侯猶細屑策勲
莫怪狗功卑縱指元因漢一傑

病中同年江于春見訪喜而有感

蒙翳城西開一室主人况復長衰疾商歌欲出聲
不任曳踵將行脛無力賓位坐使苔蘚侵阼階漸
向蓬蒿沒兒扶躄躄爲爾興知爾元非車馬客我
今已見貌如翁怪爾猶能鬢似漆朽廢本令顏色
醜光輝應爲意氣得告言數歲滯風塵踏足低頭
常偏側赤驥引衡鹽滿箱雕鷹在籠鍛六翮手扳

逡巡效趨走壯志摧藏誰復識清濁未容與世昏
見人每露眼中白時事蒼茫心死灰胡爲錯驚毛
髮黑爾曹困頓不自煎內鞅外鞅形體澤我病雖
憊神來守俗目徒看柴骨瘠微爾何由覩德機豈
謂泥塗皆棄物大樽浮湖亦有用枋榆飛鷄真堪
適投杖逍遙遂縱歌主人不病何須策

送江少峯年兄兼寄江貞齋學士及午坡

令弟提學

窮年易感復多悲却向尊前對別離遠郭青山日
欲暮嚴風錦樹歲將辭人情乖錯今可見陵谷深
危起當面鎔錐爲鈍鉛刀銛猶蕙同藏朱紫亂高
才尚爾困塵勞鄙夫豈悔長貧賤書成本待副名
山舌在猶堪叩險關鐘鼎可銘聊睨取竹素游園
非徒閒窮達雖殊各有用寧須慘戚凋朱顏白雲
飄浮飛鳥舉倏忽之并難久聚十年晤合始如今
斯須立談又當去有酒未傾意自酸况憶杯中舊
儔侶金門學士躋讒點繡服儒臣遭中傷寂寂魚
書常不達輝輝棣萼遠相望君歸爲向二難說親

見尸公鷄滿鄉

小樓閒望酬丘少泉見寄

鄙夫元是一慵者晨起櫛巾猶不把外戶長關謝
往來小樓曠望任踈野山形迫若几前生江水遙
如窻際瀉樹木遙落霜氣中簷薨虧蔽青天下北
睇千峯通鳥路岡巒連亘莽迴互直看烟靄渺迷
間知是故人棲隱處寓目本爲蕩情志却因懷人
結幽思正同稿木無起予忽枉橘瑰逢來使

山遊晚宿石室遲洪芳洲不至

衆壑生烟日欲低探幽力盡尚攀躋松風數里聽
海湧徑盤谷轉行屢迷鐘聲出岫遙知處閒鶴引
步因尋蹊修柯鬱鬱閉玄室流水淙淙灌藥畦竹
下微塵淨如掃窻間巧鳥矜善啼奇雲翕翳千般
氣怪石峻嶒百丈梯住處每留聊自悅可人不在
與誰携丹經誦遍山初夕綠桂香浮月滿蹊中夜
收心偏愛靜平生謀隱此堪棲行窺石洞逢真髓
只恐君來已作泥

題北塢精舍寄贈蔡克銘先生

樗楊蔽戶薜綠墻半塢依微聊可藏闢牖恥同鑿
甕陋覆椽戲作刈茅荒盆池湛湛偏涵色庭草萋
萋自有芳蟠礴雖無林谷美栖遲也覺壑丘長主
人未稱平生意獨抱遺經心力費沿泝宓姬後與
先攻求詰訓同兼異寧思世上逐繁華常向齋中
勤寤寐似戀楹軒寡出門頗遭親友嘲忘事揚雄
嗜酒且好書愛君僻性亦復如蘭罇滿處開緗帙
芸篋香邊貯麴車流俗兵輕何足問襟期遙合每
相於題詩一寫塢中趣不見莫令佳事踈

送裴質齋掌教

東風吹春滿南國陌頭楊柳黃金色祇言佳氣正
娛人何意離尊當送客鄙夫談道泉山陰廣文來
講裴與林林子昨去灘江側君今往適漳水潯不
因繾綣難分手自惜向誰開此口欲別逡巡杯酒
間送君轉使憶林友

題溪洲別業贈羅生希晦

孤洲宛在水中央中有伊人一草堂四遶波瀾絕
徑術獨開戶牖假滄浪時時雨點霑書卷往往灘

聲聒夜床寂寞垂帷心自適最憐地與人間隔每
看草木無俗客久對鳧鷖盡相識霧裏豹藏已澤
文鷲中鵠養將成翮樸几繁香杜若秋侵裳濕氣
素烟浮晶熒曾照香藜火搖曳嘗親桂樹舟白露
霜時葭莢勁思君徒欲泝清流

觀詹範川大書歌

詹侯清晨登我堂手携大軸墨淋浪直木屈鐵相
撐柱展舒未畢神開張猛 崢嶸龍爪利左擎右
攫忽復翔一波如拳勒盈尺豎戈擊趯掣電光瑤

瑰側剗金斜鑿銳鋒斫劍星耀芒華嵩擲石壓虎
窟衡霍興雲起蛟鄉宵雪紛披驚變態一手真看
百體藏始知曾舍山海氣鬱勃憤盈不可當細書
鎖屑何由泄故作大畫森橫牀激射幽陰竦毛髮
妍姿宛轉迴春陽想見迴腕乍伸縮墨池驟涸筆
行杠看君筆勢有如此前掩崖杜後張王數仞高
墻連幅縑素不足滿君之塗洒宜治磨崖千丈壁
立摩穹蒼

宴洪鄭川公席上贈歌

我生多病守蓬蒿固陋自知亦自鄙窮年不往富
奢招沉冥坐與時乖舛西第召賓各選英南陌輾
輪若馳水驚座孟公非所長袁盎浮沉敢相齒酒
肉啜噉真細事小人徒飽信堪恥世俗本自重徵
呼病夫可用見輕毀登堂今日爲公懽斟酌豈謀
口腹美長者固然謬好賢通家烏取文繁侈豆簞
正可示嘉慈乃復開筵置清醴割羊列俎告殺鮮
旋結魚留罩魴鯉菰菌流丹每溜匙雕胡柔滑雜
香糗手持匕筋勸我嘗當饋屢興辭不止薄劣猥
慙飲食豐在羸忽爲甘肥起敬恭百拜飫良溫側
弁僂僂古所詆豈有軒車啗里閭更無都雅華簪
履聊因杯酌存此風一使鄉人知酒禮

飲中醉歌題贈李東甲

東甲先生愛靜便辭官正及未衰年忘機不睹園
棊豈好飲多開種木田每誇妙得閑中坐更詫無
如醉後眠子夜絃歌娛客處一春風雨養花天紅
英漸委蒼苔上白雪來侵絲鬢邊世態無端爭夢
裏人生何事勝樽前

送李邑博望山先生

問君何所望征營復彷彿有時思入重泉下有時
竄遊九天上若滅若沒不可方或有或無難爲狀
不爲攢靄黛千峯不爲停烟青萬嶂只爲可仰一
高山寢食如遺心靡他躊躇四顧如有喪朝夕不
見竄蕩蕩朝不見山夕不見山黛峰青嶂千萬般
日日在眼前曾不解君顏朝兮望山夕兮望山精
神注想他物不能干忽已置身高山側寧須登頓
勞攀援朝也見山夕也見山魁岸氣勢靜重儀形
終日對羹墻間世人愛山只是山如君望山豈徒
然爲君題作望山篇留與象郡人間傳

放歌行送將樂張丞

漢室材雄數武皇躬履豐盈海寓康萬戶千門不
足御超然思舉雲中裳桂宮蘭殿營未已更起通
天造栢梁雙擢金莖逼宵漢高高脩掌承天漿蓬
萊三山恍可到燕齊迂怪爭言方神人東岱見巨
跡王母西池親捧觴但得仙靈長不死真棄萬乘
如敝蕤好方少君前覆車五利將軍後執軌銅池

三秀表奇祥瑞麟天馬來告社武安門下多腹心
峻良盡集平津邸南陽孔僅故賈人卜式田間牧
豎子自售召見驚嗟晚高議朝堂發唇齒莫言往
代不可攀莫歎微軀難上天虎豹守關排闥入探
珠須沫睡龍淵堂堂張丞六尺身胡爲落落在風
塵意氣揚鞭跨馬去如君豈是沉埋人

題水心漫湖圖

水心居士心如水結廬獨在水中止游鯿浴鷺與
和光簡帙沉冥欣妙理枕席長涵烟雨飛兼葭影
拂窓戶裏四涯望斷絕來徑碧波澹蕩滌氛滓漫
湖逸人最清曠一生浪跡五湖上陶朱曾挾西子
遊欲躡寄蹤慕閒放荷葉時穿菱女舟釣絲或偶
漁父榜糞土黃金不足營胸懷坐失具區壯蕭蕭
尺幅誰爲揮依微遠意出新機水中之廬湖外世素
壁不辨是耶非客來覽

遵巖先生文集卷之四

遵巖先生文集卷之五

五言律詩

辛卯元日 二首

居正王凝命履端帝發祥光華開上日玉帛走羣
方冀莢符堯錄卿歌睹舜章青裳臨左个天子在
明堂

候轉三陽泰天周一紀分緯纏占聚景日表應重
輪建寅夏時曆王正魯史文鴻恩將瑞氣四國奉
歡欣

送呂思抑戶部之淮上 三首

詔使發河陽仙郎惜署香家臨京口郡節建海陵
倉米后過全魯花時到下相蒼蒼葭菼外明月定
相望

相見仍愁遠臨分益思親亦多傾蓋者誰是聽琴
人駿骨何當市明珠且自珍翻飛未可料將子暫
風塵

憐君宦隱處淮水日悠悠橘刺青書幌濤聲散郡
樓元王餘館榭闕伯故林丘更有山阿賞還因桂

樹留

南郊夏行 二首

路轉妨旌拆橋平度馬齊風花一水靜烟柳萬家
迷目極心逾遠朋高酒共携前尋還有徑應是武
陵谿

物色繁初夏行行野望新村沙平送騎峯照遠明
人出谷關幽事看雲減病身傳心同志者行樂及
芳辰

張氏園庄宴集 二首

地僻軒初集芳林賞不違
杯傳浮蟻泛席換落花
依凭檻千山出開籠一鶴飛
莫言耽燕佚得笑百年稀

展席臨水曲移樽對苑沙
翠分縈沼竹香到圍欄
花歌轉遊魚出舞嬌輕燕斜
高懷猶未歇亭樹已昏鴉

天壇郭道士院

軒蓋凌晨集盤觴此地賒
藥雲鮮五色瑤草粲三
花篁桂清仙院蓬壺接帝家
晚聞鳳吹咽疑度赤

城霞

秋祀太學視宰

廩滌侏侏潔爐烟冉冉升
視燎晨舉火司濯晝行
冰衡福犧人警鸞刀膳宰能齋心
嚴祗役共祀在明馨

宿澤上人房

投宿依山刹禪扉隱隱開
清齋宜鳥語坐定見僧
回竹動名香散鐘鳴清梵來
因嗟在人世擾擾逐浮埃

翠華巖

振策凌絕巘尋幽到翠華昔聞晤真者曾此煉丹
砂洞口液鍾乳崖陰燦寶花坐看天路近鸞思極
烟霞

卽席賦送張子使邊 四首

奉使星辰遠行邊道路賒十旬常霧雨千里但風
沙燧火防秋警旌旗閃日斜壯遊元夙志公出已
忘家

張已去都下而携內適至

邊報真聞汝國荒猶未休賑輸堠吏急節制大臣

留蒿翟時能給干戈不自謀杞人有浩歎尊酒豈
銷憂

寨險屯仍廢軍懸鎮亦孤陰風連大漠平莽避強
胡曠野惟多壘元戎盡剖符看君經畧者早上伏
羌圖

漢世窮源使明時足餉臣黃河喧夜渡荒戍斷行
人寶鈇飛胡月征衣帶朔塵悲歌暮相對慷慨一
傷神

郊興 二首

四月西郊路物華淨客心遊情會滄海舉目見高
岑麥秀平分隴蘭榮弱冒濔登高宜有賦况值暮
鴉吟

河曲孤村抱峯迴細路連飢鶯啼古寺浴鳥下晴
川跡已市朝遠心將雲水玄真遊乖良晤心賞自
悠然

寺宿二首

杖策吾來此幽棲亦自娛劇傷時序晚靜得琴尊
俱山抱畫簾入雲開紫閣孤無營禪共寂不寢鶴

相呼

古寺依山寂停鞍對暮花霜鐘歸院鶴風析集城
鴉楓落猶秋色菊殘有歲華山僧誰解汝吾分已
塵沙

圓靜寺二首

身病登山健寺幽引興長聽鶯過別院歇馬傍踈
塘竹散晴窓影花飄晚檻香高遊有如此誰肯戀
紳裳

仄徑垂蘿密高崖蔦葛長踈槐陰玉宇尺鯉躍金

通真觀集 卷之五
塘入殿齋僧禮開軒到妙香亦知絕地迥朱霧細
沾裳

通真觀

桂闕晞青嶂花宮入紫雲金箱丹訣秘瑤界洞簫
聞石髓融融液爐烟裊裊薰須逢緱城鶴接翼去
人羣

宿通惠寺

寶地開龍象珠光布法筵風疑祗樹雪日麗梵花
烟塵跡山將遠禪心月共玄淹留愛風景瀟洒夜

分眠

再至功德寺與張水部偕 二首

路諳能自至僧狎不須猜蔓藤猶覆院萋草已侵
臺竹憐獨宿處花爲再看來與君同避地得笑且
啣杯

舊宿春初轉今來節載陰風烟殊歲色雲物異登
臨問松懷繫馬開閣戀披襟奔命兼行樂携遊倍
賞心

登陂羅閣

閣峻看天墮湖平益勢孤風簾齊鐸響雲磴拂衣
趨指顧極空濶風煙乍有無青眸依落日縹緲入
皇都

香山寺留題釋宗林房 二首

香山覽勝到絕徑捫蘿登眺迥雲烟異天低風露
凝地幽防俗客清論接高僧朱纓自不謝福地何
當仍

遠公違俗久清刹倚山巔抗宇承青靄開軒俯碧
泉無生空萬劫習靜定諸天長嘯逢顏色新詩與

爾傳

山寺聞丘集齋下吏之報

漢柱莪冠吏明廷簪筆臣疇恩褰黼衣抗疏逆龍
鱗鄒子拘幽日賈生痛哭辰小臣元觸冒天子自
英神

病中黃制科明舉招不赴賦謝兼柬張諸
暨

故人憐寂寞約我共襟期蘭席開玉樹桂醕泛金
卮剡溪虛雪棹鳧舄阻雲逵頽臥幽齋裏春草長

離思

柳湖亭讌遊 二首

亭子水中洲
蘭漿美載浮
鷗翻當吹遂
魚眺近垂
鈎折藕憐絲
細探蓴愛乳
流更言明月
好中夜尚
淹留

積水漾虛臺
芳筵鏡裏開
魚驚壺矢躍
雲逐瑟絃
迴遲月燒紅
燭臨波洗綠
杯不辭湛樂
久未卜再
能來

春雪左順門侯牘東龔內翰 二首

北地春仍雪
西山曉出雲
烟霏交彩仗
風引裊爐
薰蛟掌飛瓊
箭鳳池碎玉
紋菟園搦彤
管詞翰正
思君

鳴舄趨丹禁
飄飄雪灑衣
樓雲低殿黑
城旭弄墀
輝玉樹光初
亂瑤花濕不
稀侍臣迂清
切沾珮啓
黃扉

隆福寺與諸友人夜談因雨假宿 三首

揚子談玄處
問奇策騎過
浮烟榮苑樹
驟雨長窻
蘿小隱情如
此大觀道若
何芳春颺欲
暮莫自怨

蹉跎

憐君避世者習靜碧雲隈遂有何顛興翻爲孺子
來譚經玉麈落倚瑟錦絃開夜深還說劍急雨助
悲哀

春陰侵几杖夜雨靜琴觴虛院疏風入迴廊隱霧
長坐淹高士榻眠擬定禪床不染神俱爽無言意
已忘

送許進士應元知泰安州 三首

才子初爲政青春獨領州禮壇遺夾谷封社舊姑

尤岱岳標方望長河背郭流無因贈魯縞爲爾賦
齊謳

高才美少年爲吏卽神仙入境花迎綬行春雨映
旃漢時供奉邑魯國謝歸田化理今良牧何須倚
昔賢

一顧小天下巍然登泰山日晞渤海谷風起穆陵
關石室金書閱陽厓玉碣刊今皇功德盛東道預
修壇

送曾汝誠給事使邊 四首

馬嘶柳帳前使者欲行邊插羽黃金珥擐纓白玉
鞭飛雲迷漢月積雪凍胡天燕將聞書泣君看魯
仲連

太白壓遼城天狼照北平君王親用武節帥奉專
征問罪馳輶入觀兵攬轡行當今將士怒歸及凱
歌聲

授律及今時邀勲合有期漁陽新障虜涿鹿舊興
師西日河冰坼北風邊草衰蘆笳聲四起漢使也
應悲

慷慨一丈夫茲行君豈徒指揮調敝卒談笑解強
胡古塞開新款全軍奏凱俘歸來謝天子得似傳
甘無

七夕效梁體

靈駕中霄會明河一水遙緩波通聚語流月鑒離
標環珮香風散綺羅絳雨消微歡還復罷枉用鵲
爲橋

壽毛礪菴閣老七十 三首

八座尚書貴三長太史賢履聲霄漢上彩筆袞衣

前日月憂時鬢風雲應壽編翩翩東海鶴來往紫
芝田

岡鳳輝難集垓麟跡自閑道聞姑射後身退五湖
間春洞桃花實秋山桂樹斑岱宗東魯望巉絕更
誰攀

十地丹丘合三山碧海望玄夷授玉笈玉母奉金
觴杖履東山社松筠綠野堂蒼生懸謝傳何日賁
雲章

南苑 三首

別館南城邈離宮左掖通標形霄漢上動景雲霞
中雨知清道潤草爲望恩豐上林徒欲賦才謝長
卿雄

城闕鬱崔嵬行遊信美哉栢園春殿長荷匝午亭
開複道玉繩隱河流銀漢迴忽然異人世不覺在
蓬萊

懸榜儼列仙通波繞御川雲疑駐鼎地風想鼓鐘
年嵌壑雲烟變連薨氣候偏卽看避暑處何似漢
甘泉

帝幸南苑 三首

豫遊萬乘動慈悅兩宮和龍旂赤日轉鳳輦翠雲
過暑避更衣殿春生浴鏡河千秋長奉壽歡樂豈
云多

在囿靈臺啓橫汾離館開周王非獨樂漢武自雄
材雨灑乘陽蹕山舍進壽杯此時瞻華蓋拙疾謝
嚴枚

天蹕應時康御筵矚苑芳開山金作嵌截海玉爲
塘睿跡元游物王心亦戒荒離明相見日長養遂

南方

題孫宮允園亭用馬司業韻 三首

敞閣偏臨壑幽林復帶波葉繁棲鳳竹蔓結偃虬
蘿吳樹三春暗江濤八月多更憐垂釣處鳧鷖靜
烟簑

湘北藝蘭畹淮南叢桂山芳名誰並美詞客自高
閒斲石璫爲乳食芝玉作顏蓬壺如可涉他日許
同攀

避地歌招隱耽幽此卜居詞華二陸後形勝六朝

餘山鬼窺青管江妃扈赤書悠然東壁下宛掛兩
銀魚

送人尹南海

昔日勾漏令尋仙亦繫官一紆青墨綬長就紫金
丹君適朱方吏相期白日翰他時雙賜履遲爾五
雲端

送人尹錢塘 二首

王喬葉縣去仙令意悠哉曷向雲間下琴於江上
開潮回宗帝國山圻越王臺枳棘淹文羽君非百

里才

佳麗古越州高峯湖水頭去爲百里宰兼得六橋
遊陶柳縈芳甸潘花匝綺洲期君東道主吾欲枕
南舟

懷曾給事李郎中二子同時得罪被逮

感事已難堪懷賢更可歎憂來自不寐熱至亦忘
寒欲棄班生筆深慚梅福冠同心忠信者一旦涉
波瀾

偶懷

愁緒亂無端人情急似湍孤根元有植枉道亦何
難獨酌不成醉強歌聊自寬世無知心者應謂予
不諼

濟上懷曾李二子

辛卯之秋予與二子同有典文之命聯
舟濟上投分託契自謂百年不圖事變
凶凶予承嚴竄二子亦同日下獄感令
懷昔情如之何

往歲榮持節濟水照斷金事乖成泛梗景是觸沾
襟梁獄書難達湘流賦易沉銜恩將得罪均是表
同心

舟經下邳

風波已習慣忽爾自悽其壯志逢茲地古人難可
期橋邊黃石在日後素心知俯仰無窮意如何不
令悲

壽蔡霞山先生

早向天台隱尋仙度石梁瀑泉晞墨髮巖窟得丹
方養性芝苓古問年松樹蒼赤城霞色滿長爲薦

遼陽文集 卷之五
瑤觴

淮口

停舟淮口望千里暮雲收白浪浮山出黃河入海
流淵中蛟比室島上玉爲樓未卽乘桴去難稱是
好遊

寶應湖夜泛

四顧但蒼蒼天低湖水長煙分微有樹火滅遠聞
榔與雲連海岫望斗指吳鄉今日乘槎客猶如到
漢傍

廣陵 二首

隋室多巡幸驕奢覽壯圖開天崇綺構截海定雄
都綠水流城闕朱樓夾路衢繁華何處所墟社只
平蕪

前王聞失國游客欲陳風樓觀飛雲裏旌旗耀海
中一時歌舞散千載市朝空獨有青天月曾經照
舊宮

聞笛

何人吹玉笛偏遺怨聲來楚地已衰柳吳山盡落

梅不堪曾僚慄况值獨徘徊胡必羌城下能令壯
士哀

詠署中墻下葵花

茲葵敷正色韡韡比兼金細蘂盈方寸脩莖聳直
尋成陰徒衛足背日枉傾心猶有孤根在蓬蒿何
太侵

仲冬朔日江行

心想定何依搖搖共席飛壯圖驚節變直道與時
違跡比虞翻是才方賈誼非精誠嗟靡託捐珮待

江妃

贈人號曾浦

家臨曾浦上垂老學爲漁鷗鷺親長往菰蒲伴隱
居伐竿求竹直選石愛潭虛不曉任公意應言在
得魚

送人成均卒業還彬州

慕道不辭遠爲儒能固窮言觀中國學師事大江
公逆旅蓬生鬢歸程草暗空明時莫徒老干祿在
書中

挽王尚書夫人歸葬

輶車出國門歸葬廣陵原逝水年光盡重泉白日
昏鏡留將擬貌琴在與招魂不解尚書恨將朝無
贈言

過梁宅之爲郎日故居

草暗蟲聲滿間庭菊自芳人同川上去書向壁中
藏廁隅經置筆墻隙舊偷光相憶成今古如何不
永傷

春日永寧寺山亭顧中丞招遊

烟曉雨初晞亭臬春日輝相從窮宴賞一倍惜芳
菲柔草纔勝藉新條恰掛衣謝公方愛客日暮不
言歸

病後偶爾出郭

忽看柳葉長何言已春深因思閉戶久却悔逃人
心草色遙迷徑杏花稍變林欲酬過去賞一日一
來尋

天界寺後山獨遊

綠葉暗花枝鶯鳴新柳時偶隨芳草興遂與白雲

期探徑非人到穿林有鳥窺行逢桃樹下路口使
心疑

告中送顧膳部赴臬山東

幽居當歲晏無邪送君行留滯嗟身世蹉跎念友
生似茲往來際轉見別離情拙筆歸耕晚高才早
勒名

齋居柬劉比部叔正

落月曙窻虛幽人好靜居官無公務擾意與世情
踈出戶霜塗屋垂幃草上除同聲雖可悅異舍欲

何如

訪陳石亭遂初齋中賦贈

先生大隱者在世自如遺樂道尚玄白持心不磷
緇閭門無客候幽幌對花垂好我忘年少但言相
見遲

秋日登鷄鳴寺閣寄友人

峻閣暮躋攀涼風振客顏青天湖外盡平野雨中
閑鳥度孤雲去人隨落葉還如何屬延竚伐木響
空山

題顧中丞載酒亭

寂寞十年後今逢尚白人官非十載滯宅是一區
貧酒癖著書富奇多問客頻空令好玄者懷德不
能隣

詠虛谷別業

高士尚玄虛因從山腹居石泉留洗藥帶草備藏
書合道遊空寂修心返太初翻嫌鄭氏谷烏用世
名愚

寄顧瓊州副使

不見經時久相思越徼深簿書勞吏道猿鳥亂人
心地瘴應親酒官高祇好唵亦知浮海樂難忘客
愁侵

贈唐太史養疾寺居 五首

誰道金門貴來叅寶地禪院香燃綠桂池色汎青
蓮毒龍降沼底善虎戲牀前更有天花落飛來遶
法筵

期君物外蹤解牯蹇相從簷際飛輕靄城隅見遠
峰行唵循軟草趺坐蔭長松已是如愚者何須谷

口逢

託身翔鳳陛別業寄龍宮
遐心存市裏幽跡似丘
中掛塵小山桂披襟大地風
安知館中史不是河
上公

如何天上貴別有世中情
舍已皈慈法齋心託化
城雲衣披籜粉風色泛松聲
紛紛車馬路誰識有
南榮

齋中遂偃仰臥疾卽林阿
烏來窺散帙龍起聽商
歌僧爲翻經難人非問病過
此時方戰勝玉體合

如何

題司封榮養卷

才子爲郎地高堂慶有餘
侍飡退食後問寢倒衣
初露爲推恩渥日因至愛
舒板輿官舍裏天性樂
何如

周隱君榮壽卷

明時胡在野懷寶欲迷邦
麋鹿居爲伍雲松對與
雙吉星輝上象湛露接西江
晚節逢恩幸身過壠
上龐

王氏榮壽卷

老向明時隱梁鴻與孟光賃慵身不似舉案德相
方彩誥雙綸寵華堂四髮蒼斑衣稱上壽歲歲紫
霞觴

哭吳懋獻進士久不克葬

寂寞百年身桐棺三寸貧歸程竟作旅寄處燐爲
隣行哭悲妻子冥心托友人薤歌嗟路絕欲唱又
無因

訪空同先生故宅

久欲求遺草今來訪故廬北窻存臥席東壁有藏
書墨沼春苔長琴臺夜月虛年年桂花發人擬子
雲居

題石氏世恩堂

漢朝宗孝謹明代故家存業有遺風舊恩從得姓
蕃裳衣陳寢室喬木蔭高門孫子何多美家傳詩
禮言

訪顧東橋聶村山庄

先生躬學稼鷄犬數家村種樹因山性穿池得水

源槿籬晴雨長麥壟午風翻四體不勤者茲聞農
圃言

天寧寺

杖策青山半遙遙聞梵鐘古松經幾臘虛殿掩千
峯佛現瞻龍象僧行印虎踪回心思止託歸路到
來慵

場中翫月同顧東橋陳石亭二公

野興夜邀懽間場十畝寬微風來席上明月出雲
端幽姿澹水木遠景含峯巒滿天同一色無似此

中看

禮部祈雪致齋予以在告弗預東同曹諸

君二首

羣賢深秉禮禋祓爲祈年陪德尚書後修心太古
前玄思通混漠高韻比神仙齋祭迎祥處靈壇夜
肅然

曾是天心遠如何冬令乖治神修禱祀格帝戒明
齋華省寒陰靜層城夕氣佳誰知陋巷裏玄默與
君皆

冬至大祀齋居

霜清天漢沉月白古松陰虛獨看燈靜齋明愛夜深勞生因息妄倦客斲安心屢從郊雍駕飄淪底似今

將至豫章道中作

風波晨暮淹復畏簡書巖坎水嗟行險離方苦觸炎爲儒心未效從政事難兼苟且徇微祿聊因免負擔

立秋日發南浦舟中作

火伏金當令流光不肯居天高爽氣外葉下涼風初山靚忻明秀江行愛廣虛聊因文牘暇稍復省篇書

哭薛西原 二首

今年歲在辰毫上客星淪爲蝶真今夢猶龍定宿身圖書空滿篋几閣已侵塵憤極憑天問何心生此人

造物意何如伊人果去諸寡妻司几奠門客檢圖書隣杵悲無相朋總恨忍除百身知不贖空爾淚

盈裾

訪西原城南別業感泣 二首

堯時巢父隱遺跡
葦門幽泉石居城
古烟花却帶秋魚來
鳴瑟罷鳥去講筵留
桑扈還真樂楊朱在
淚流

數畝城南業依然
二月春蟻蜂猶戀
主花木總愁人洗藥
流泉甃繙經供席陳
西齋風自啓如意委
牀塵

訪蔡廣德道卿未至州數里阻雨留宿田

家

草舍託荒陂
瞑投不自知
離心分雨夕
同氣阻風期
燭影坐中暗
江城望處疑
如何咫尺地
猶自勞相思

田家書事投贈蔡廣德道卿

行逢野父言情真
語率然舍生同
草木盡力向園
田禾黍冬棲畝
牛羊夜被阡
言終還百拜
賴有長官賢

桐川客舍

風雨慘燈光無言坐北堂主人及中夜問我自何方
名姓慚難告衷懷暗獨藏殷勤鷄黍惠欲去不能忘

同蔡可泉出游山行紀興 二首

招携樂友生惠我在山行緣崖歷窈窕傍磴鑿深
清白雲輕首夏黃鳥悅初晴超起會心處中林草
木榮

日出野烟輕流泉處處聲山苗經雨長澤雉感時
鳴密篠傍潭靜踈花夾岸明正宜吾與爾携手此

間行

登橫山頂上覽州城同蔡道卿

歸翼帶殘霞山城晚氣佳鳴鷄聞四境翔雉遠千
家碧樹州門靜黃塵市裏譁愁心因縱目共有異
鄉嗟

山行於崑谷間見人家

山深交獸蹄往往見巢棲籬落藏茅屋泉源灌稻
畦藟蕘不出戶桃李自成蹊欲訪居人宿翻虞反
路迷

石溪寺

蒙密見山窮林迴忽路通燈懸千樹裏磬發片雲中
猿嘯來叅定月明出照空卽將溪號虎與爾學
雷宗

竹山寺

微鐘度青靄寺隱見遙岑香路入花嶼禪房開竹
林泉流苔上冷山色樹中深吏道非玄理來茲生
悔心

宿茅山道院東樓

飛構出空虛洪喬應比廬松風入夜肅涼露滿天
踈酌酒和元氣焚香閱道書求仙雖未就性亦好
樓居

桐川境上與蔡道卿別

攬袂默相看愁雲慘別顏懽遊同逝水轍迹向空
山分手徒留佩傷心未賜環風波慎自保當路少
扳援

同顧雍里訪劉函山郊行 二首

東郊芳草色一徑引征輿非爲巡農務咸言訪隱

居泉清新雨後山媚早烟初此意誰相會惟應君
與予

携手有佳意逍遙恣遠尋循疆田事美出郭野情
深日淺平郊色雲多叢薄陰前驅農不變爲識上
官心

劉函山穫田庄居久不至城詩以問之

二首

聞君去不還種田因住山旣爲百口計兼得一身
閒禾穗登場上泉流激圃間誰知城郭裏幽興亦

相關

鎌鳴秋穫急禾黍積如墉富向隣翁說穰因嘉歲
逢行園朝見汲歸舍午聞舂予將還壠畝先此問
爲農

送周石崖給事治魯藩獄事還朝

二首

漢使持明法周親感聖衷飲冰心對日偃草德從
風折獄片言下回天敷奏中不須焚文字梁牘一
爲空

時輩讓才雄高誼古人中陳詩傷魯道覽俗見齊
風登岱諸山小探洙衆水通歸朝思獻納應有發
宸聰

劉函山田庄宴集同顧雍里 三首

言駕出尋君暫因屏世氛不忘鷄黍約解與麋鹿
群比舍垂青柳前山起白雲相看同此趣無以仕
農分

白日永留懽田園勝事偏盤飧兼野簇厨火雜村
煙逸興看中聖高談接上賢相忘賓主意留滯不

言旋

向晚西郊密翛然野外秋土膏含雨潤山氣帶烟
流故道牛羊反前林鳥雀投猶言明月好其奈促
鳴騶

晚行趙家園

川廣片帆懸輕霞欲暮天蓼花明遠岸蘆葉隱低
田風起青蘋上雲歸白鳥前兀多山水意對此自
悠然

舟中夜坐

扁舟凌浩渺水色暗連天
宴坐深明燭遑眠滯簡
編篋閑知爽入膏續悟更延
感候傷羈思勞歌中
自宣

彭蠡湖

蒼蒼彭蠡綠大水屬時秋
遠勢長天接搖波元氣
浮數州居下浸千嶼出中流
桂棹難爲楫吾將恣
遠遊

宿湖中

蒼茫烟景晦舟楫自如家
宿處隨鷗鳥秋初惜月
華遙心連浦鴈歸夢滯江
花爲客誰知者踈燈水
一涯

饒州公署

蕭條人吏散孤坐發深思
草色新涼重蟬聲落日
悲言忘觀物處心靜閉門
時道在無形累求閒翻
自嗤

署中讀書

雨散空堂靜寒簾微月初
古人聊取對塵事自相
踈曲几螢光映殘編蠹跡
餘不緣兼薄領飾律用

經書

南康公署

城荒民俗簡理事日恒餘寂寂公門靜蒼蒼高樹
踈庭陰深晝晚山氣淡秋初跡有浮名累心空自
宴如

南康公署十五夜月

迢迢三五夜江郡影星河積水生涼氣空齋興晤
歌心微千念寂室淺一燈多不酌盈樽酒其如月
出何

十六夜月

今夕月如何山風江水波升輪依嶽頂流鑒度簷
阿光射棲鳥起寒牽鳴鴈過紛紛羈客感來委此
宵多

檢荒行田野中

秋巡躬適野不給愧民康嘗饁知非官觀場愁太
荒行間除茂草息處就陰棠老稚無驚避吾來省
爾方

靈溪觀

自憐何所爲無事亦囟囟混俗亦知性過時始養
蒙石池涵谷水山徑滿松風欲悟觀心理桃花幾
樹紅

白鹿洞見張東沙壁上留題

登高能賦者到處有新詩草木留光寵雲峯發詠
思護持山鬼力指說野僧知大賢難繼作吟玩但
嗟咨

遊白鹿洞歸道中作

巖壑變陰晴歸途風物清斜陽銜絕壁微雨過高
城草動含秋意蟲鳴急暮聲明朝勞簿領應自想
茲行

開先寺龍池

千盤轉石林碧礧帶雲深空谷逃人足澄潭湛我
心分流常活活積氣自陰陰一濯清涼水都忘名
跡侵

酌開先寺泉

源出迷窮處何年流至今分來青竹細汲去白雲
深香共曇花散涼疑覺露侵已知無內熱且復一

瓢斟

東橋顧公巡撫湖南行部至衡州縱遊南

岳某聞而慕之 二首

中丞行問俗南岳待題文草木巡遊發江山覽顧
分奠椒祠赤帝指竹吊湘君霜氣凌朱火千峯紫
翠紛

好遊晚益耽身到楚天南勝跡摩崖刻奇文覽記
探高僧留與偈野客偶成談更有名書寫藏山副
石函

東橋公既登衡山集所制作成帙名曰登
衡小記遠辱寄示時予適行部南康受
而讀之有張孟陽之思

登高能作賦大雅感予襟氣敵衡山峻思涵楚水
深覽圖乖往跡諷詠發馳心猶因廬阜對稍緩四
愁吟

晚發建昌

侵曉戒征衣巖城未啓扉鳴騶遙即路徒御靜相
依歷歷星初散塗塗霧稍稀身隨車轍轉心事悵

多違

宿武陽驛同陸毅齋憲使

天秋風雨急山驛易黃昏疲馬依殘櫪衰楊蔽舊
門沾塗憐潔服舉火愧空飡稍緩孤生感幸蒙終
夕言

德興縣晚發黃栢渡遲陸憲使

旌騎參差發思君不得俱應同殘月影只隔碧山
呼雜樹臨溪口停車向路隅舟人催早涉不識我
心須

德興縣八月十五夜月簡陸毅齋使君

夜久雨聲歇微微簷影過攬衣聊出戶飛鏡掛明
河庭隘留光少林踈見影多非因清晤闕何以發
予歌

遊梅巖洞有仙人井竈田爐丹室之類

松老白雲遮仙人亦有家鷄飛殘砥鼎玉化遍成
沙石上烟霞古爐中日月賒暫來還出去蒙笑洞
前花

宿武陽民家

一室踈燈夕百思擾客懷草蟲鳴暗壁槐雨滴陰
堦狗祿今謀拙躬耕始願乖病身應自計歸去守
荆柴

滕王閣

前王歡賞地棟宇已成空惟有西山色還將舊日
同夷猶臨短檻感歎對長風世事囟囟裏江流自
向東

滕王閣再作

偶爲逢迎出聊因一振衣鳧鷗閑泛泛島嶼遠微

微芳草前人路寒潭落日暉西山舊時雨還向捲
簾飛

薛家樓

高樓頻徙倚白日滿山寒霜落章江淺雲收楚地
寬鴈聲深坐思草色起憂端擾擾城闌內還從靜
處看

由撫州之建昌道中宿山寺

客行亦已倦息足擇山深月色空香徑清宵宿道
林蒼松多古意流水有餘音釋子一相偶聊忘生

滅心

再出武陽宿前民家

秋原衰草遍投館日黃昏
駑馬知徑道空山向舊
門農人依鳥隼吏卒偶
鷄豚坐席無爭者猶慚
道未尊

丹霞觀

閑行隨鶴引不覺入雲深
幽壑絕來跡桃花開滿
林山香知藥草谷嚮識
靈禽欲問採芝老人間
不可尋

信州皇華亭

誰識悠悠意寒流對寂寥
閒禽遵水曲過棹入風
謠細雨青山映繁霜赤
岸凋門前來往路坐使
歲時銷

信州登城樓

樓高身出地稍見山川遙
飛鳥青天廣平蕪白露
凋孤雲歸滿岫千畝長
秋苗周覽乘時暇忻茲
土俗饒

訪黃九潭太史留贈

問君胡在野遺世自經營一廛依水築百畝決泉
畊移竹供魚釣栽梧待鳳鳴深源終不起其柰此
蒼生

芝山亭

亭子倚岩堯幽意坐終朝遠水孤帆滯長天一鳥
遙叢紅霜樹葉片白楚江潮浩蕩煙波去徒思蘭
桂橈

寄胡始子中

折腰不能去悲汝愧陶潛古意時人背高才下位

淹貲微數口餓客久二毛添但遣孤根在還因雨
露沾

過寧庶人故陽春宮

邪陌轉城闈重門曲水濱人談亡國地花發舊宮
春珮冷空梁月歌銷積棟塵堪悲當日事議讞帝
家親

滕王閣獨坐

吏跡苦拘急幽期與賞違江頭時獨往閣上每忘
歸綠水流垂幔白雲落振衣祗綠幾未息猶使鳥

驚飛

南昌有湖水流城中會府屬當其左每晨
趨府行於湖上執事倉側無遊觀之致
不遠人家路湖平水且清涵虛浮萬井倒影浸層
城垂柳堤邊映輕鷗波上明可憐趨府去日日傍
湖行

哭陳石亭

樂道方遊世胡爲遽不留重泉獨往路天上正成
樓載酒將何問遺書不可求堪悲江左地一旦絕

八流

豐城縣感張雷得劍之事作

昔人求寶劍絕識理無違此地聞言是今來滿目
非空餘埋後土不見斗間輝神物終難測知從何
處飛

送劉西坡後再至滕王閣賦此奉寄

蒼山西面色高閣遠含風舊賞人何在今來事不
同帆飛江路永鴈叫楚天空徒把盈樽酒因書寄
浙東

賦得豐城劍贈李古冲之滇南

豐城埋匹劍水土養金精
九地深藏鏹千年始發
劍在天生斗氣出匣作龍鳴
志士腰間佩偏令萬里輕

遊紫雲菴至上中化成寺山中獨行遲同

遊薛陳二子

閑行隨去跡獨往昧前期
流水時相引空山只自知
香煙松際暮暗雪行間滋
兀坐探林晚中心有所思

發東林寺登廬山絕頂還過寺中留止

年來知淨理在世比虛舟
偶此同生滅因之任去
留色空廬阜起禪定虎溪流
已矣東林社長廊柳葉秋

德安公署雨中書

荒齋掩夕景倦跡若淹留
細雨同寒意空山向暮
愁逢迎還自懶鞭撻底增憂
抱此微軀病何能爲世謀

蔣雙橋方伯行部德安予適以事至而公

已發南康走筆奉柬

離抱易爲感復此芳春時雜英委閒地好鳥弄高
枝坐惜歡言阻空令淑景遲方聞整駕去惆悵予
來遲

德安雨晴書懷

日出照空林堦前流水音訟庭鳴鳥悅書几落花
深遙憶故園草萋萋何處尋堪悲貪寸祿虛擲此
光陰

書懷答彭石屋

已悔爲人學還因世網留行雲時出岫逝水偶成
流事簡知無術交踈悟寡儔方將齊外物竊比我
蒙周

德安道中書事

百室山中邑觀風見俗淳土膏時雨發田事暮春
新鳥雀鳴爭食鷄豚性近人前驅行且緩方此問
農民

由德安去廬山只一舍而予以事趨省不
果再往

憶在南康郡一拜匡廬君濯纓瀑泉水長笑石耳
聞正擬佳遊再其如塵事紛去茲知不遠空返欲
何云

聞蟬

陰氣南方早聞蟬三月中聲微猶隱樹咽短不從
風亭館人初散園林花頓空羈遊濶行樂亦自惜
春終

雨晴西齋期薛廣文仲常

雨餘春閣冷初日麗高臺薄宦勞趨走佳賓濶往
來苔生將被徑花隕欲成堆此際心如結非君誰
爲開

觀陳兵憲射

夫君文且武置酒更張侯弓彎孤月滿箭去一星
流廣野三軍覩空天百鳥愁眼看中自激青管更
堪投

詠雨中庭樹

庭前嘉樹色獨向雨中榮脈脈全根本欣欣見性
情烟深因洗翠風至自成聲方惜一暴少難爲萌

藥生

行園

時雨資生養行園覽衆芳鳴鳩盈畝綠翻蝶遠籬
香抱甕將根沃植援助蔓長不窺今已久豈爲下
帷妨

登江州城從中丞王公

雨餘草木新節鉞寵行巡飛雉隨驄轉啼鶯喚隼
頻軍容觀楚卒國姓記江人清霜飄大路萬里靜
織塵

豐城縣長至日

歲晏勤王事鄉心擾客居閉關當此令行路欲焉
如江淨霜飛後城開日出初署齋頻眺望雲物正
堪書

至日慮囚憲府呈方荀庄潘壺南二臬使
立戟府門清持書人吏盈平持三尺反助取一陽
生布令逢周正援經覽呂刑怪來霜氣重驄馬在
江城

九江夜雨示薛廣文

稍稍空堂暮羈心自不聊踈燈生寂寞寒雨對瀟
條木落歲將晏鴻鳴江正遙清楊居室遠誰與永
今宵

建昌道中舉火于豐安堠亭與邑博陳嘉

賓談

斜日堠亭陰茲言在野深臨食因忘肉獨酌更知
心道與中人語身宜下位沉昔賢傷不遇非獨子
如今

陳子文行並修而為有司
所失久伏儒官故歎其屈

陳州道中同胡叅知作

宛轉陳郊路株林碧樹盈中天炎日盛向夕雨雲
生共酌清泉飲相從大道行才微慙負乘將子載
同征

項城道中與叅知並馬

芳郊聯騎出錦轡結同心屢截清溪渡時穿綠樹
林覽觀乘暇笑語避人深職事多離濶貪茲共
寸陰

予以事由陳趨項周梅崖叅知方自項還
皆以夜行造次相逢頃刻而去

多事窮奔走幽襟待細論如何逢路側還向夜中
分色笑匆匆接清言悄悄聞勞生元易感况復覩
離群

五月五日浴起作

芳蘭浮小鼎燃用桂爲薪初暖聞盈室微和接澡
身形骸元土木時節且槃巾雖然新浴後未振故
衣塵

壽方隱君方本新安世族今爲臨清人

豪宕去鄉井高門衛水頭太和莊叟馬生事計然

舟齒髮占難老琴觴愜好遊陶然天地內得性閱
春秋

遵巖先生文集卷之五

魏文帝



